Script of Morning Gojri News Bulletin 16November 2025 at 1015Hrs

16ما رنینگ گو جری نیو ز بلیٹن مو رخہ

نومبر2025

یوہ آکا شوانی جموں ہے محمد امین انجم تیں خبر سننو۔

LG Meeting

لیفٹننٹ گو رنر منوج سنہا نے کل سرینگر مانہہ پولیس تے سوّل انتظامیہ غا عہدیداراں غی اِک اعلیٰ سطحی میٹنگ غی صدارت کی۔ اُنہاں نے اُجالا سگنس اور ایس ایم ایچ ایس ہسپتالاں غو وی دورو لایو۔ دورہ غو مقصد نوگام پولیس تھانہ مانہہ ہوا دھماکہ غا نتیجہ مانہہ زخمی ہون آلا افراد سنگ ملاقات کرنو تھو۔ اِس موقع ور ڈاکٹراں نے زخمی افراد غی حالت اور اُن نانہہ دتی جا رہی طبی سہولیات با رے لیفٹننٹ گورنر نانہہ جانکا ری دتی۔ لیفٹننٹ گو رنر نے ہسپتال حُکام نانہہ ہدایت کی جے زخمی افراد غی جلد ری دتی۔ لیفٹننٹ گو رنر نے ہسپتال حُکام نانہہ ہدایت کی جے زخمی افراد غی جلد صحت یہی غی خاطر بہتر ممکن اعلاج یقینی بناویں۔

Ex Gratia

جموں کشمیر سرکا ر نے وزیر اعلیٰ رلیف فنڈ تیں اُن افراد غا کنباں نانہہ ایکس گریشیا مدد دین غو اعلان کیو ، جہیڑا نوگام پولیس تھانہ مانہہ دھماکہ غا نتیجہ مانہہ شہید یاہ زخمی ہو گیا تھا ۔ اِس سلسلہ مانہہ شہید ہوا افراد غا کنباں نانہہ 10/10 لکھ روپیہ جد کہ شدید طو ر ور زخمی ہوا ہر شخص نانہہ 1/1 لکھ روپیاں غی مدد دین غو اعلان کیو گیو ہے ۔ اِس دھماکہ مانہہ 9 افراد شہید جد کہ 32 دوجا زخمی ہو گیا تھا ۔ وزیر اعلیٰ نے متاثرہ کُنباں نال یکجہتی غو اظہا ر کرتاں واں وزیر صحت سکینہ اِتو نانہہ ہدایت کی جے زخمی افراد غو بہترین ممکن اعلان یقینی بنایو جا ئے۔ اِسے دوران وزیر اعلیٰ نے یقین دوایو ہے جے بیا دی ڈھانچہ نانہہ ہوا نقصان غی تلا فی کی جا ئے گی۔ اُنہاں نے اِس دکھ غی گھڑی مانہہ سرکا ر غی طرفوں پو ری مدد دین غی فِر تصدیق کی ہے ۔

•••••

Jitendra Singh

مرکزی وزیر ڈاکٹر جتندر سنگھ نے آپی ایم جی ایس وائی سڑک غا سلسلہ مانہہ وسو24 اشاریہ33 کروڑ روپیاں غا پروجیکٹاں غا نی پتھر رکھیا اور 86 اشاریہ 77 کروڑ روپیاں غی لاگت نال مکمل ہوا پروجیکٹاں غو افتتاح کیو۔ اُدھم پو ر ،کٹھوعہ ، ڈوڈہ لوک سبھا حلقہ واسطے نی پتھر تے افتتاح ورچول طریقہ نال انجام دتو گیو حالانکہ اُدھم پو ر مانہہ چنینی موڑ تیں سئو نتھن سڑک غو افتتاح وزیر موصوف غی طرفوں موقع ور کیو گیو۔ پاس سڑک ور 7 اشاریہ 94 کروڑ روپیہ خرچ آیا۔

.....

CS Youth Engagement

چیف سیکریٹری اتل ڈُلو نے کل یوٹی پہر مانہہ نوجوان مصروفیات نے با اختیاری پروگرام غی تیا ریاں غو جائزو لیو۔ اِس پروگرام غو مقصد جموں کشمیر پہر مانہہ ثقافت، تعلیم، کا روبا ر تے برادری سرگرمیاں نانہہ با ہدو دینو ہے ۔ اِس سلسلہ مانہہ محکمان غا سربراہاں

اور ڈپٹی کمشنراں غی اِک اعلیٰ سطحی میٹنگ مانہہ اُنہاں نے کلینڈراں نانہہ ہتمی شکل دے غے عملی منصوبہ غی تکمیل15 تیہاڑاں غے اندر اندر وقف کیا گیا پو رٹل ور اَپ لوڈ کرن غی ہدایت کی۔ اُنہاں نے متحرک ثقافتی سرگرمیاں ، سرکا ری اسکیماں با رے بڑی بیداری ، ضلع سطح ور تگڑا تال میل وغیرہ وروی زورپایو۔

Jammu Midnight Marathon

جموں مِدُّ نا ئَتْ میراتھن دوڑ گئی رات اور اج سویر جموں کشمیر سپورٹس کو نسل غی طرفوں کامیابی نال منعقد کی گئی۔ اِس سلسلہ مانہہ حصے داراں نے 2 مرحلاں مانہہ دوڑ لائی، جن مانہہ کئیں افراد نے حصو لیو۔ اِس سلسلہ مانہہ منتظمین نے کہیو جے دوڑ غو مقصد صحت متحرک طرز زندگی حوصلہ افزائی اور خطہ پہر مانہہ کھیڈاں بارے جو ش نانہہ باہدو دینو ہے۔ وزیر کھیڈ ستیش شرما جہیڑا اِس موقع ور موجود تھا نے کہیو جے سرکا رکھیڈاں نانہہ باہدو دین سنگ جموں نانہہ تندرست بنان غا واعدہ غی پابند ہے۔

.....

JMC

جموں میونسپل کا رپو ریشن نے اپنی حدود مانہہ روائتی آبی زخیراں نانہہ فِر تازہ کرن غا سلسلہ مانہہ مانہہ اِک شروعات کی ہے۔ اِس سلسلہ مانہہ سنگرام پو ر غا وارڈ نمبر درگو چک علاقہ مانہہ ممبر اسمبلی سریندر کمار اور میونسپل کمشنر ڈاکٹر دیوانش یا دئو نے اِک تا ریخی تالاب غا تحفظ اور بحالی واسطے نی پتھر رکھیو۔ اِس سلسلہ مانہہ دئو نے اِک تا ریخی تالاب غا تحفظ اور بحالی واسطے کی پتھر رکھیو ۔ اِس سلسلہ مانہہ دئا گیا ہیں۔

.....

Prog Announcement

علاقائی خبران غاشعبہ آکاشوانی جمون غی طرفون خبران بارے قومی تیہاڑان غاموقع ور اج 25 منٹ غو اِک خصوصی مباحثو نشر کیو جائے گو۔ اِس خصوصی نشریات غو موضوع وے گو جمہو ریت مانہہ خبران غو کردار یوہ خصوصی پروگرام اج اِتوارین16 نومبر نانہہ دوپہر 12 بجے نشر وے گو ۔ اِس خصوصی نشریات مانہہ مہارا مہمان ویں گا روزنامہ تسکین غاچیف ایڈیٹر اور جمون کشمیر غانامور صحافیسہیل قاضمی جہیڑا پروگرام غے دوران اپنا ماہرانہ نظریات سانجھا کریں گا ۔ پروگرام غی میزبانی مہارا اینکر جگموبن شرما انجام دیں گا ۔ اسے طرح غاپروگرامان واسطے آکاشوانی جمون غی خبر سننتا رہیو، میڈیم ویوو 303 میٹر یعنی 990 کلو ہرٹز اور ایف ایم 100 عشاریہ میگا ہرٹز ور ایف ایم 100 عشاریہ وی۔

Janjatiya Gaurav Divas

جن جا تیہ گورو دیوس 2025 کل جموں غا بکھ بکھ ضلعاں مانہہ عظیم جو ش نال منایو گیو ۔ اِس موقع ور ثقافتی پروگرام اور بیداری سرگرمیں منعقد کی گئیں ۔ اِس سلسلہ مانہہ عہدیداراں اور مقامی لیڈراں نے سرگرمیاں مانہہ حصو لیو تے لوکاں نانہہ قبائلی ثقافت غی سانبھ سنبھال واسطے کہیو۔

اس غے نال ہی خبراں غو یوہ بلیٹن ختم ہوؤ۔